



Sarajevo, 17.04.2018. godine

Obavijest o održavanju 23. matematičke olimpijade BiH

Obavještavamo Vas da će se 23. matematička olimpijada Bosne i Hercegovine (MO BiH) održati 21. i 22. aprila 2018. godine na Prirodno-matematičkom fakultetu u Sarajevu, a ovogodišnji domaćin-organizator će biti Udruženje matematičara Kantona Sarajevo (UM KS).

Pravo učešća imaju učenici srednjih škola koji su plasman ostvarili na takmičenjima iz matematike na nivou entiteta i distrikta u BiH u 2018. godini, a koja su organizirala Društvo matematičara RS (15 učenika), UM "Ruđer Bošković" Mostar (10 učenika), Odjeljenje za obrazovanje BD (2 učenika) i UM KS (20 učenika). Pravo nastupa imaju i učenici po osnovu rezultata ostvarenih na takmičenjima višeg ranga iz 2017. i/ili 2018. godine (učešće na IMO – međunarodna matematička olimpijada, EGMO – Evropska matematička olimpijada za djevojčice, BMO – balkanska matematička olimpijada, MYMC – mediteransko omladinsko matematičko takmičenje ili osvojena medalja na JBMO – juniorskoj balkanskoj matematičkoj olimpijadi), a koji iz objektivnih razloga nisu izborili plasman na ovogodišnjim takmičenjima (konačnu odluku o učešću ovih učenika donosi zajednička Takmičarska komisija). Prilikom odabira takmičara treba voditi računa da oni budu državljani/ke BiH ili da imaju odobren boravak u BiH, da su mlađi od 20 godina starosti na dan 01.07.2018. godine, te da pohađaju redovno osnovno ili srednje obrazovanje na dan ili nakon 01.12.2017. godine. Ove propozicije su u skladu sa članom 2.2 Općih pravila za učešće na IMO (zvanična stranica IMO <https://www.imo-official.org/documents/RegulationsIMO.pdf>). Prijavu takmičara je potrebno izvršiti najkasnije do 17. aprila 2018. godine na e-mail: umks2016@gmail.com.

Preliminarni program 23. MO BiH

Subota, 21.04.2018. godine

- 08:00 – 09:30 Sastanak takmičarske komisije i izbor zadataka za I dan takmičenja (450/IV)
- 09:00 – 09:30 Dolazak i registracija takmičara (PMF Sarajevo, Ul. Zmaja od Bosne 35, prizemlje)
- 09:30 – 10:00 Svečano otvaranje takmičenja (Amfiteatar „Mladen Dežalić“, takmičari i pratioci)
- 10:00 – 14:30 Izrada zadataka za I dan takmičenja (učionice 419/IV i 428/IV, takmičari)
- od 14:30 Pregledanje i ocjenjivanje radova (članovi komisije)

Nedjelja, 22.04.2018. godine

- 08:00 – 09:00 Sastanak takmičarske komisije i izbor zadataka za II dan takmičenja (450/IV)
- 09:00 – 13:30 Izrada zadataka za II dan takmičenja (učionice 419/IV i 428/IV, takmičari)
- od 13:30 Pregledanje i ocjenjivanje radova (članovi komisije)
- oko 17:30 Nezvanični rezultati takmičenja (IV sprat)
- oko 18:30 Zvanični rezultati takmičenja i proglašenje pobjednika (Amfiteatar „Mladen Dežalić“)